

中华全国图书馆

文献缩微中心



山西省图书馆 摄制

1990

(光緒)續高平縣志十六卷

(清)陳學富 慶鍾修 李廷一纂

清光緒六年(1880)刻本

四冊

原件收藏

山西省圖書館

原件書號

25349-52

原件狀況

原件个别地方有污迹

原件有部分破损

原件个别地方虫蛀

本部书共摄制 1 卷 卷一至卷十六

版权所有 不准复印

本部书开始

本片卷含： 卷一至卷十六

續高平縣志

第一冊





登件番號

No. 2315

序

夫邑之志與

國之有史所自博蒐乘而備

叅稽其義一也

國有史而昭如雲漢非徒

主聖臣賢邑有志而炳若日星

不獨地靈人傑固在作之

山西省圖書館
地方文獻

01582

(25349)

者有以向其先尤在述之
者有以繼其後高乎自同
治年間前大令龍君蒞任
立社倉儲民食以及興利
除弊治具畢張循々然臻
道一風同之盛縣志亦重
加修訂輯為成言然忽々

又十餘載矣其間日積月
累時異勢殊皆有變受不
無闕畧若非隨時增損未
免有宜於昔而不宜於今
余於光緒三年春忝膺斯
篆有志纂修適值亢旱異
常終歲不雨是禾無麥民

不聊生四野嗷怯唐呼
之弗息一隅驚守慙子惠
云難周荒歉愷形實數百
年來未之有也心傷民瘼
目擊時艱日夜焦勞不安
寢食於是捐廩倡首賑恤
災黎第杯水車薪奚裨於

事因復邀集紳商士庶勸
令量力樂輸以有餘補不
足規模甫定以即調署陽
高兩於志乘一事遂有志
焉而未逮心竊憾焉六年
夏捧檄回任巡田疇稽戶
口向之勞作愆期去今鼎

順成有幾焉尚之流離失
所者今則生聚有方焉凡
厥庶民遇災禔而猶登衽
席莫不飲和食澍而頌曰
非

帝澤如春

憲恩茫夏既僊丘壙曷克

有此今日耶民情愛戴若
斯倘不列諸志乘何以慶
明良而相傳不朽適邑紳李策
軒等將前署任陳君潤生
續修志書稿送閱并請加
序公餘之暇披誦再三其
次序之分明纍纍乎如貫

珠也其詞義之嚴確礮
乎如堅石也夫豈特刪繁
就簡踵事增華云爾哉此
余之所有志不逮者今已
幸觀厥成心竊喜之是用
不揣庸陋因所請而爲之
序

收效獨異也賑既竣
中丞以其修賢分各州邑
買補常平倉穀又慮其
久而忘備也擬將勒爲成
書垂諸後世於是乎有
重修省志之請得

旨報可撤下先修縣志為省
志嚆矢姚君未及舉去
之新任余亦始延德邑人
李策軒等商酌續修規
模仍奉傅志以示折衷
一是蒐采攷訂至潤月

而舊成大率於近事加
詳茲猶是示民有備之
意也竊願後之來者共
諒焉是為序

光緒六年庚辰六月望
日署高平縣事陸學富

潤生氏鑒



序

光緒三四兩年秦豫晉同
被旱而晉為甚自三年
春暮不雨至四年夏水
雨汙萊滿塹癘疫流行
屈計一年之間人民消耗

過半蓋為患若是以奇
也嘗憶

聖朝二百三十年以來深仁
厚澤以下勳應甘和濟
至仁壽咸登即有陰陽
愆伏沴戾間作不足為閭

閭病飲和食德醇然若忘
渺不知所為思患預防
之計蓋臬利又若斯之
久也五年輒余奉檄權
高平象甫下車接見紳
耆士庶稽戶口於流亾之

後向疾苦于凋瘵之餘
巡其田疇則蒿萊渺瀰
也按至井里剽桑柘
也遭并大侵而民數之
飄零者不過十之二四視
他邑之留遺殆倍加焉其

故何也余以為拯卹之力
而所以善為拯卹者有
由來矣方同治間前大
令龍君宰斯邑勸民立
社倉除耗費外尚存積
穀數千餘石迨災象已成

邑大令慶君特菴復為
之拮据經營請緩徵急
賑濟適調署他邑而程
君松濤錫君清弼姚君
縵雲先後攝邑篆令民
按期而出廩計口而授

糧毋冒濫毋遺漏奸紳
不得干猾胥不得預而
又以其狀上之

中丞時值

威毅伯曾宮保拮据泣
晉固為籲請于

朝銀米源之而下俾顛連之
象莫不各如其願雖不必
魚一夫之不獲而取全在
多矣其

臺司大造於晉之功固已
度越今古宜乎受實同而

光緒六年筱苗月中澣知
高平縣事慶鐘特盒氏撰



續高平縣志

同治六年序

龍汝霖

漢元武詔南陽撰作風俗故沛三輔續有蒼舊節土之序
郡國之書由是而作然若辛氏三秦羅含湘中恒山水之
談三輔黃圖建康宮殿多宮室之制劉知幾因別之曰地
理書曰都邑簿求如晉摯虞之畿服經唐宋敏求之河南
長安諸志宋趙抃之成都古今集記事殫言賅類綜物博
蓋亦鮮矣自宋以來州縣志乘多循茲則然惟明韓五泉
志朝邑康對山志武功 國朝陸清獻志靈壽義例嚴整
事關勸鑑爲諸邑乘所不及余幼誦諸作慨然有著述志

而才劣馬班心焉疾之志創始於明之楊子器傅思明
劉應台一再修之 國朝范繩祖傳德宜更纂次焉今又
將百年矣余戴星而理竊仿國僑諸葛尚嚴之治而撫戶
口之貧弱愧安輯之失策測風俗之凋敝歎轉移之乖方
墮人才之流情痛振興之寡效然往鏡尤來者資也今不
及詳矣 同治甲午年中政治紀綱風俗利病彌懼久益放失
其以善敗而昭董戒乃選訪於邑之耆老援古証今芟
其拔焉三月而勒爲一書惟於其薄書時擾於懷恒輟筆
興歎故體大而思不精旨約而文不贍世無知我蓋慨之
識必矣第與奪不敢謬於聖體倘恒懼乘於史政之大經

大法未有或闕也後之君子庶可若而得焉易侯而宰疆
域綺分志地理第一興作必書重民力也志建置第二上
下嘉德鬼神獲享志祠祀第三賦薄徭寬既庶且富志食
貨第四作父作師痲瘵乃身志官司第五在躡瑰行董勸
招焉志人物第六興賢育才彥髦知作志選舉第七文韻
千載山川生色志藝文第八

續高平縣志凡例

一 邑之有志猶國之有史非才識學具備不敢言作志
僅稱續將以俟後之博雅者里修焉

一 邑志創始於同治間嗣以重修者屢矣然棗梨皆
已湮沒惟

國朝乾隆年傅公德宜所修者板尚存其中參互考訂多
折衷於邑老儒司昌齡故至今言志者咸據之爲信史

一 邑志自傅公重修後至同治年龍公汝霖復纂修之
其書勸善懲惡義例特詳現值年代未久事蹟無多故
續志仍踵傅志後以昭畫一

一龍志所載多有關於政治民風故續志多所採取以備省覽

一續志稱傳志爲舊志所以示折衷一是之意且以別於今志

一舊志所載如星野形勝等類無可增減應仍其舊

一同表等類有因時遷殊者宜補則補宜更則更採擇於詳不取從略

一志以紀實爲事實觀感備勸戒非尚文也然卽以文論往往有識解各殊各出其奇如山川橋樑等類雖與舊志稍涉重複亦備錄之

一田役稅課貢篚等類於民尤爲切要故續志必備詳其始末

一光緒三四兩年大祲

朝廷蠲賑疊施膏澤優渥故續志必爲備載所以重

君恩也

一田賦丁徭等類其縷記處但存大數而略奇零蓋沿龍志之舊非敢從前

一此次備義較多蓋因其平日言行可嘉遇災荒而坐受同憂者志外可憫故續志加意搜羅然亦不敢濫列

續高平縣志姓氏

總理

署理高平縣知

縣陳學富 安陸附貢

高平縣知

縣慶鍾 滿州進士

協理

高平縣教

諭渠丕烈 祁縣舉人

高平縣訓

導張金堂 孝義廩貢

纂輯

庚午科舉人李廷一

分纂

歲

貢

生甯元忠

恩貢生候選教諭祁之錕

拔

貢

生吳丕烈

編次

歲

貢

生田凝暄

廩

生李懋政

附

生張懋

增

生申輓

校錄

增

生李銓

附

生蘇楠

採訪

孝

廉

方

正張調元

翰

林

院

待

詔郭天駿

歲

貢

生王烜

廩

生張燦基

庠

生孟伯謙

貢

生邵奠姬

貢

生邵崇文

庠

生賈必信

庠

生龐建中

廩

生常攀鱗

庠

生焦汝弼

庠

生李本善

從

九

品王德魁

督刊

高

平

縣

典

史吳開陽

海豐人

署

高

平

縣

典

史朱惟篤

大興人

勸學

儀

叙

知

壽建理

員

外

郎趙璋

布

政

司

經

歷陳良玉

監

生畢贊周

庠

生郭樹滋

貢

生張肇元

監

生吳廷槐

游

擊焦銘

貢

生鄭顯曾

監

生趙登朝

監

生姬銘恩

監

生李紅聚

鹽

大

使李汝翼

從

九

品李士鈞

監

生牛學海

鄉

飲

音

賓焦繩武

庠

生牛應元

續高平縣志目錄

卷之一

圖表

卷之二

城池

關隘

武事

附

驛堠

鋪遞

兵制

附

里甲

市會

卷之三

山川

橋堰

古蹟

陵墓

風俗 物產

卷之四

公署 譙樓

壇廟 寺觀附

卷之五

學校 書院 社學

卷之六

賦役 運留

稅課 鹽法

貢篚

卷之七

倉庾

蠲免 賑濟

卷之八

職官

名宦

選舉 科目 鄉貢 例貢附

卷之九

官階

誥錫 任子 葬祭

武科 武階

卷之十

人物 孝義

文苑

卷之十一

列女

卷之十二

祥異

雜志

卷之十三

藝文 雜著

卷之十四

藝文 雜著

卷之十五

藝文 雜著

卷之十六

藝文 詩

續高平縣志卷之一

圖表

山西省圖
書館珍藏

邑境山重水複道里迂曲分疆畫界施以勾股重測仍
難推算以極其精舊志圖譜雖稱詳悉而開方定里之
法後或較勝於前况興廢無常建置不一損益因革隨
時變更昔日所見今又改觀矣至若涪氏沿革紛紜尤
甚前輩考鏡業已分明而刪繁就簡去文從質約之爲
表益覺如指掌之間一目瞭然爰採龍志以弁其首先
民有作應亦心許焉

𦉰

𦉰




百里總圖

南二十里






東六十里圖



石村東里 萬山渡
 五里四里石村西
 五里下里 下里村
 五里東里 東里村
 五里南里 南里村
 五里西里 西里村
 五里北里 北里村

石村北河



圖里七北東



再東北九里圖



東安里 西安里 東安村 西安村
 東安庄 西安庄 東安堡 西安堡
 東安寨 西安寨 東安里 西安里




襄安止長安村 李村西里
 吳丹北里 王河里
 濟上 北里
 城北里



北九里





西...之...圖

中大里 中村
 永祿北里
 單方里
 單方村
 單方庄
 單方里
 單方村
 單方庄

西北五里圖




西九里圖



城四里 西庄 球庄 北庄
 野川 東庄 野川 野川西
 楊村 王城子 原村
 陳庄 王城子 通
 王城子 王城子 王城子 王城子



城關十二里圖




南門
東門
西門
北門


學宮圖



縣署圖



宗程書院圖



歷代沿革表

北齊	北魏	前秦	前趙	魏晉	漢	秦	周	夏商	唐虞
建州	建州	西燕 後燕	後趙 前燕	并州 司州	并州		晉	冀州	
高都郡	長平郡	建武郡	上黨郡	上黨郡	上黨郡	上黨郡	上黨		
高平	元氏	元氏	泫氏	泫氏	泫氏	高都	長平	泫氏	
高平	元氏省								

後周	隋	唐	五代	宋	金	元	明	國朝
建州	冀州	河東道	昭義軍 昭義軍 昭義軍 昭德軍	河東路	河東南路	中書省 平陽路 晉甯路	山西 布政司 冀南道	山西 布政司 冀甯道
高平郡	高平郡	長平郡	高平郡	澤州	南澤州	澤州	澤州	澤州
高平	高平	高平	高平	高平	高平	高平	高平	高平
高平	析高平 置陵川							

續高平縣志卷之二

城池 關隘 武事 附

邑城周四里高三丈五尺池深一丈雖云叢爾而與民
守之亦可如子輿氏之告滕君焉要在築斯鑿斯之勿
玩忽焉耳至若關隘以限戎馬控馭之策尤宜先籌舊
志所載建置增修歷歷俱詳險阻要害曲折備至而安
不忘危思患預防凡宰斯土後先孰不有同心哉續志
城池兼及關隘之偶遺者非云恃險聊爲守土者之一
助云

城池

周烈王七年晉趙獻子城泣氏在王報村今猶曰舊縣北
魏永安中置高平縣治城未詳所在府志在陵川蓋州
故城今米山鎮唐武德初置天寶開廢今縣城自宋開
寶六年縣令楊咸弼築訖

國朝乾隆年知縣周宣徽相繼修理凡十餘次詳舊志
咸豐二年知縣梁大鵬補修

三年知縣毛鉞補修

同治元年知縣單寶書補修三門城樓

關隘

燒石崗在縣東二十里南接龍甲山頂形勢峭絕

南界牌嶺在喬村南南瞰鳳臺嶺不峻亦南陲之障

縣城迫西山乘堙則矢石可及非屯重兵于嶺上莫能遏

敵之窺伺

附武事

晉元熙元年劉淵遣建武將軍曜寇太原泣氏皆破之

明崇正四年邊盜王嘉印從長平趨沁水坪上村潞安回

民作亂於高平壺關陵川間

六年賊西遁聚於高平長子間

驛墩舖遞 兵制 附

邑驛夫馬及卡舖舊志與今稍異以增減不常故也高

平昔稱僻壤後漸衝繁矣軍興以來驛郵改道迎送之煩約略可想近值承平稍爲休息然設兵立塘之意尤宜深思也爰採龍志因及兵制亦安不忘危意云

古者車曰傳騎曰驛楚子乘驛會師祁奚乘驛而見宣子亦曰遽子產乘遽而至皆以速也始猶兼乘傳晉侯以傳召伯宗田橫乘傳詣洛陽後則皆馬矣漢驛凡三十里一置唐如之唐制敕書日行五百里左降官日馳十驛以上宋時凡驛皆有倉明季合民養馬以應役曰槽頭而驛做裁驛卒而國亡

國朝歸諸官驛有承乾隆七年裁在邊者曰臺站在郡縣者曰驛大臣出使命曰馳驛平日則賫章奏行文牘軍書急日可行八百里縣北曰長平驛南曰喬村驛故爲馬七十六匹馬夫三十八所夫七十八後屢增屢裁爲馬五十四匹馬夫二十五所夫三十五歲支銀二千四百八十三兩二錢有奇馬元日食豆倉升八草束二合槽枘諸雜色日淮銀九分八釐馬夫日廩銀三分所夫日廩銀一分九釐有奇後裁馬三十馬夫十五其銀輸諸司以協濟岱岳史村普潤甘桃泌芝瑞石韓家樓李家溝諸驛咸豐間部議裁損馬乾三成及六分減平馬則歲支銀四百五十兩二錢二分六釐夫則歲支銀七十

五兩六錢所夫歲支銀一百七十一兩七錢四分四釐
值小建則計日而減其銀仍輸司舖卒汰則州郡文書
悉屬焉益以銀二十六兩有奇同治六年大吏以驛日
疲累官不能支有復馬乾三成之請部乃允二百三十
兩六錢二分七釐而減平仍如故云

周制立鄙食以守路野廬氏所爲設也後楚屬關隘設兵
立塘曰守卡今日卡房亦曰窩舖所以詰奸使節過則
司其迎送縣北凡十三曰王何里臨丹北臨丹南永祿
里寺莊西寺莊東永祿北北王莊口德義堡泉則坡雅
兜溝二橋跑馬坪再北則長子縣東北凡五曰赤土坡

池則口赤祥口黑土坡石坂坡再北則長治縣南凡八
曰湯王頭唐莊口北陳口老君橋小橋則河水口小嶺
上南界牌嶺嶺毗鳳臺北壤有勞勞亭在焉明知縣李
植詩曰一箸千錢盡連及百里驚問中愁未了又見嶺
頭旌蓋已苦迎送之繁也

諸急遞舖始於金泰和六年十里一置漢曰郵亭唐曰銀
牌宋曰金字牌急脚遞縣舖凡八總舖玉井南陳喬村
臨丹西陽范店鴉兒溝舖兵三十三名名歲廩銀六兩
咸豐六年裁

附兵制

縣設快手八名民壯屢裁爲三十五名近更爲三十名介
在兵民閒役而廩於官

高平故豢練勇百有四十仰給縣尹縣尹大絀言於上同
治開調歸澤州元字營

里甲 市會

里甲之累初累於同治六年前寇盜頻興邑之以貲雄
於鄉者外失其商賈之財貨內則苦於征輸故貧弱日
甚近遭大祲逃絕尤多其存而未去者每至鬻舍帖田
以供徭役於是丁倒累戶戶倒累甲甲倒累里而市井
乃愈覺蕭條矣續志里甲並及市會見今昔之殊云

里甲

高平里舊爲一百六十有一明末更爲百里今循之里各
里老一地方一甲各什排一掌其里之賦稅甲各推貲
高者一人爲戶頭乾沒逃亡尸其責鄉約則視村聚衆
寡以爲增損司徭役之徵令人徒之拘集

在城六坊在關六廂在鄉三十都分爲八十八里俱詳

舊志

市會

南方曰趁墟北方曰趕集又曰趕會集期以日計會期以
月計市集詳舊志市會二月在焦河村赤土坡河西鎮

香神嶺三月在李門村建寧鎮米山鎮四月在東關廂
五月在衙前廟九月在馬村鎮永祿村米山鎮十月在
東關廂

平縣志卷之三

山川 橋堰

龍志山川得夏書禹貢遺意故所志雖不出舊志外而
倍覺爲流峙生色矣然量高測深非徒以供憑眺也有
山必有川導引疏防可資灌溉惜甘泉遺跡至今盡湮
而橋代舟楫堰禦漲溢雖有所益藐乎微矣備錄龍志
竊深頌禱興利除害更有望於將來

山

邑境之山以丹水分東西而發鳩爲之祖發鳩山者在縣
西北五十里淮南子曰發苞山山海經曰發鳩之山漳

水出焉乃山之陰也陽則丹水爲高平矣其巔曰鳳頭山爲丹水所自出西曰木棒村爲長平水所自出迤西曰仙公山俗傳張果老昔曾過此西南曰黑虎嶺發鳩之南曰織蓋山爲絕水所自出畢振姬曰以散宜氏得名故志謂爲商蓋國之譌皆臆言也迤東曰釜山曰牛心山釜山之南曰西珏山爲滋水所自出一曰鳳翅山相傳慕容永時有五色雲見西曰五龍頂南曰馬鞍山曰圍屏山曰南華山西珏之東曰走馬嶺鐵鑛出焉曰炎帝嶺曰頭顱山秦抗趙卒唐元宗收頭顱爲巨塚焉曰金峰山山寺有先月亭爲昔人應詠地乃縣治之正

脈再南曰遊仙山東南則許丹合流爲正幹

發鳩之左曰丹朱嶺一曰江豬爲白水所自出山海經曰謁辰之山其東有林焉曰丹林故志曰林嶺聲近而譌其曰丹朱則誤以長子爲堯封丹朱地也迤東曰三巖嶺南曰泉則坡曰石室山曰鳳凰山曰清涼山三巖之東曰關和嶺爲關水所自出再東曰羊頭山田氏曰山最高俯視太行猶在其下曰首陽山迤南曰慶雲山曰殺蓬山西曰朗公山俗傳朗公爲倉頡云曰韓王山故志謂秦圍韓王於此考史無之極於小馮莊而長丹合流爲北幹

首陽之左曰換馬嶺爲西長河所自出南曰平頭山曰玉
瓶山迤西曰東瑀山玉瓶之南曰百步嶺西曰翠雲山
曰安樂山曰蓮華山南曰七佛山曰官甲頂曰大糧山
官甲西麓曰營防嶺曰虹姑嶺歲旱以祭蝗者也極於
川起村則兩長河合流爲東二幹

換馬之左曰魏莊東里爲東長河所自出再東曰紗帽山
爲蒲河所自出南曰龍王山上有石佛三教子孫三洞
迤東曰遇仙山曰翠平山翠平之西曰遊仙山南曰大
佛山曰鳳頭山曰洪化山曰翠屏山曰舍利山曰摩天
嶺曰四明山曰白龍山四明之西曰燒石嶺曰崑龍山

山形峻甚相傳登嶺可望黃河曰筆架山崑龍之南曰
溫陽山迤西曰聖佛山曰二仙嶺南極於寨上則蒲河
獨流入於鳳臺河底村爲極東幹

發鳩之西南曰分水嶺迤東曰浩山南曰董峯山曰高廟
山曰空倉嶺爲空倉水所自出曰吾山曰香爐峯峯之
東北曰花石柱山曰皇王山曰卧佛山山寺第一松在
焉山凹有萬月亭再東曰南山曰懸壺山東曰紫金山
曰全玉嶺極於永安寨則丹瀆衆流入於鳳臺北城公
爲西幹其無名而宮於大山者至叢雜不可數而要以
發鳩爲宗云

川

邑之川原凡十數惟丹河爲最大源出西北發鳩山山海經曰謁戾之山東有林曰丹林丹林之水出焉水經注曰丹水自源東北流又東而東注左會絕水蓋自發鳩之鳳頭山東澗越渠溝東至於河坡南又東至於鹿宿又東至於草方東南而白水合又西南至於北趙莊而絕水合又南至於掘山村而長平之水合又南至於臨丹館而關水合又南至於趙莊西而西長河之水合又南至於仙井北而東長河之水合又南至於河西鎮而泣許諸水合又南至於永安寨而入鳳臺之丹谷焉

北則白水出丹朱嶺南至於鴉兒溝入於丹絕水出繖蓋山一名浮雲河山海經曰絕水出泣氏縣西北楊谷地理志曰楊谷絕水所出東南流左會長平水是也俗云秦軍築絕不令趙飲故云東至於靖居又東至於草方入於丹長平水出木棒村南至於南峪東南至於織子底又東至於柳村東南至於掘山村入於丹關水出關和嶺南至於堡頭又南至於上扶西南至於永祿又南至於臨丹鋪入於丹

西則泣水出五龍山南至於原村原潔泉入焉東南至於許莊曰許河又東南至於路家村而空倉山之水入焉

空倉山水出老馬嶺東至於唐安又東至於康營入於
泣泣水復東南至於河西東入於丹

東北則長河二東長河出魏莊東里南至於陳堰又南至
於東石村西南至於北朱莊又南至於米山西至於官
莊西入於丹西長河出換馬嶺南至於故關又南至於
三角村又南至於南李村西南至於小北莊入於丹
最東之水曰蒲河出於東北之紗帽山東南至於西吳家
村又南至於東府底又南至於姬萬村又南至於石末
村西至於丁壁村西南至於寨上亦入於鳳臺諸水涸
溢不時獨丹河非大旱不絕頗資陂蓄灌溉之利唐書

地理志亦曰甘泉今則貞元渠堰遺跡盡湮疏濬興築
豈一手一足之烈哉

河海潤千里所處之勢異也溪澗穴泉屈折盪擊而能葆
清冽泛濫不竭者亦足澄覽萬彙隨所及以爲澤焉天
王池在縣城集賢橋西水族不生今涸定林泉在米山
定林寺東西穴各一今東穴涸舍利泉在舍利山下原
潔泉在原村廣四丈深一丈五尺冬溫夏涼玉泉谷在
縣西南三十里石壁下金龍池一曰九華池在羊頭山
六名寺新記曰池有二魚值雨卽飛去疑龍也故志謂
在團池金龍泉殆誤黑龍洞在朗公山麓深數百步玉

女池一曰五龍池在韓玉山馬豹泉黑龍泉在其南洲
靈泉在七佛山麓靈湫在發鳩山麓其曰靈皆宋所錫
也五龍池在五龍山麓均土人禱雨處濟瀆池在縣西
五里骷髏廟濟瀆徑草懷而鄉民不忘其澤爭祀之益
以見川瀆能興雲雨積勢厚而普利遠也

橋堰

昔周公於洛陽爲陽渠秦李冰於蜀郡造百丈堰溝洫廢
而渠堰之利益重矣漢時郡國賢守如召信臣恒濟渠
瀆以溉田均水約以止爭唐時爲令猶得用留州之財
賦開渠立堰故唐書地理所志興設爲多宋於諸路設

專官飭守令以時浚導明洪武末開郡國塘堰凡四萬
九百八十七陂渠隄岸五千四十八 國朝雍正初疏

渠建開 詔動正項錢糧有河道土方不得積河岸之
諭而畿輔水利今猶賴焉高平居丹水上流唐貞元初
屯留令明濟假領高平引丹水徑城疏渠築坊以便民
汲今涸漲無時渠坊之跡荒矣水患近者城西倚山甚
雨則水漂入城明知縣劉大寶築爲隄而土潰後李楨
及李貞木各鑿濠引水而南之今濠復就湮唐安鎮石
隄義民陳騫築縣城北郭公隄故名柳公堤以柳多郭
質先後築得名范公堤范繩祖築丹河石隄甘士瑛築

今皆圯夫西北多山昔賢爭言水利今農政不修有司不復以畎澮爲心小民羣習於媮惰由是水日乾而土日積山澤之氣不通邑田常苦旱暵靈雨又以水澇爲憂恒受水之害而不獲其利余以暇循行阡陌輒思淤者濬之圯者新之潴蓄有資啟閉以法庶夏旱秋澇不能爲病然軍興彌年輸將告竭民窮財匱欲興力役益不自贍矣無已惟歲度官用贏則度藏之積以爲諸役費嗚呼安得如唐之租庸調以三之一存諸郡縣藉資修築而興利除害也乎

同治六年知縣龍汝霖重修永惠橋知縣王家坊建碑

七年知縣龍汝霖重修堤濠自撰碑記記曰自商鞅壞溝洫而蕩水寫水之法廢世多墊溺居民之患史遷河渠所爲書也後世循吏如召信臣輩皆以造陂累堤興水利以除水害民爭德焉縣治城西枕山雨潦不時則山漲暴激橫流入城郭豬民居今夏學宮至水立三尺患尤岌余度巡山麓謀所以奠止之考西山諸水有南北二流北流一導自西山神廟徑地藏庵達於西城濠一導自北山神廟徑社稷壇達於北城濠環東南流而入於丹南流一導自南山神廟徑牛家堂一導自西溝一導自金峯寺一導自石佛溝一導自山神溝一導自棧

溝一導自湯王頭滙於浚水橋循南壇達於橋北閣以入於丹自城濠浸廢南濠又復爲岸土所逼伏秋霖潦輒泛濫奔溢南流灌浸南郭北流灌浸西城而水患滋矣城西受水曰西堤創自明嘉靖劉君大實萬歷李君植爲濠引而南增浚水橋以束之浚水橋者昔所云二郎溝也 國朝則黃君有恒修於乾隆二十四年虔君禮寶再修於三十五年王君聯鳳更修於六十年閻道光二十一年隄濠益潰塞李君貞木重濬治之於東南竅一橋曰東新而金峯南壇二橋不知始於何代加營葺焉然歷代興修惟注力於南流北流則不之及其工

費又皆資力濠隄兩岸之耕氓而商或稍爲助入亦以時際隆平民物滋豐故衆力附而就役易也余以不德承乏是邦痛值農苦於旱商耗於兵無以召和甘而弭災害不忍擊鼓重困吾民乃取積年所蓄官奉金錢千五百緡以與邑紳申國英郭廷弼吳清林郭天駿令庀材而僱工酬以民值北流之工則城濠爲長一千三百丈有奇復自火神廟至丹河口爲長二百五十丈有奇爲廣八尺至一丈三尺不一爲深二尺至一丈三尺不一南流之工則西隄舊二百餘丈今築者一百二十丈有奇爲廣六尺至八尺不一南濠舊七百餘丈今濬者

六百五十丈有奇爲廣五尺至一丈不一爲深一尺至六尺不一積淤有深淺地勢有高下也舊橋七西門橋作新之南門東門橋頽者完之金鑿浚水則增高以益卑南壇東新二橋間新建一橋曰通和功用凡六十餘日費金錢千緡余尤慮日久不治坐成淤壅患仍今日也嚴居民棄灰於濠之禁復以所贏五百緡貸典商取什一之息爲歲修費事畢而董工邑紳司之官吏弗問其出納庶無侵漁患而隄濠不廢永以乂安吾民云爾

百子橋在周纂鎮

唐惠橋在西周纂

穿陽橋在石末村

古蹟 陵墓

古蹟流傳不必盡實後人駁正期無訛錯然考據固當詳明而憑弔不必拘泥但能聞風起慕又何妨以贗爲真也邑鄴縣天井關孔廟門外鐫有回車轍迹識者皆知其僞而過客紛紛亦孰不流連興嘆也哉古蹟如是陵墓亦然以類續入抗希者應別有會心焉

古蹟

炎帝陵在換馬鎮東南東西廣六十步南北袤百步有石

欄石柱存焉蓋金元物也朱載堉曰按路史神農氏七十世有天下軒轅氏興受炎帝參盧禪封參盧於潞守其先塋以奉神農祀其後政其國亦浸削至春秋時爲晉之附庸焉蓋國小無紀綱禮法而民俗鄙陋頗同夷狄然以火王俗尚赤故謂之赤狄潞氏今潞城縣東北四十里古潞城卽其國也其國至神農塚一百六十里此爲先塋理或有之然載在祀典以湖南鄧縣爲真此惟元成宗大德九年遣禁樵採焉

羊水路史後記蚩尤傳帝榆罔命蚩尤字於小顛以臨西方司百工德不能馭蚩尤產亂出羊水登九淖以伐空

桑注曰羊水上黨羊頭山水也

辰考曰知錄曰晉之滅狄其用兵有次第魯宣十五年滅潞氏十六年滅甲氏及留吁成公時伐唐咎如而上黨爲晉有矣至左傳曰滅甲氏及留吁鐸辰而畢振姬則曰春秋時高平淪於戎狄爲辰米國從潞子杖馬箠盜晉邊晉次第滅之辰辰放氏後卽赤翟今辰堰村米米子國赤翟後今米山則臆說也

原畢振姬曰晉代原以原公歸高平原村有原公水晉伐荀以賜原氏先穀封曰原穀考路史后杼居原竹書紀年曰帝杼自原遷於老王後周文王第十六子封於原

晉文公受原於襄王杜預曰沁水西北有原城今河內軹夏履癸以原侯夸師者水經曰濟有二源東源出於原城是也濟源晉以前故沁水也非高原村審矣
高粱四川文獻曰魯僖九年齊侯以諸侯之師伐晉及高粱而還按高平有高粱上梁沁有下梁由下梁城高粱由高粱城距沁百里西師之次也又曰公羊晉人敗狄於高粱在高平非臨汾高粱故城又曰肥子遷晉陽荀吳假道於虞遂入昔陽昔陽人遷長平是說者無可證實殊鑿

向竹書紀年魏襄王四年鄭侯使辰歸晉陽及向更名陽

爲河雍同爲高平考史記范雎傳秦昭王四十二年東伐韓少曲高平拔之註曰高平故城在懷州河陽縣西北四十里周桓王以與鄭故志引爲今邑謬

丹水方輿勝覽云曰起坑趙卒血流成溝故名丹水考山海經竹書紀年已有之則非起於坑卒矣又唐國史纂異曰懷州地有丹水源出長平山傳云秦殺趙卒其水變赤因名上在太原詔改爲懷水懷爲丹下游誤相沿習故爾

都鄉城水經注絕水東南與泫氏合東流逕一故城俗謂之都鄉城再東南則泫氏故城矣

高都史記赧王八年燕代謂東周君曰臣能使韓毋徵甲粟於周又能爲君得高都註徐廣曰今河南新城縣高都城也括地志曰高都故城一名郟都在洛州伊闕縣北三十五里高誘曰高都韓邑今屬上黨考地近東周徐廣括地志爲是高誘說爲非秦始名長平曰高都也蓋州故志曰唐李勣攻蓋牟城拔之以其地爲蓋州蓋州之名所自始考唐志太宗親征高麗得蓋牟城置蓋州在高麗境今奉天猶曰蓋州焉與高平遼絕甚矣此不考古之過也至謂殷有商蓋國繼蓋山乃商蓋之譌而蓋州之名因之尤妄

周纂鎮故屬晉城宋之平泉故里也

畢堅毅先生故里在市王今碑在義莊南太原傅山書

李文昭先生故里碑在南關外道旁

新設掩骼碑在南關外明萬歷三十八年許安遇立

陵墓

唐周故處士楊素字貞白墓在鞏村西南子愨誌銘

金儒林段保墓在段莊村沁南軍節度副使董師中撰碑

元金吾大將軍郭冕墓在王報村西北今石坊尙存

國朝歲貢生司昌齡墓在石末村北

兩廣總督祁恭恪墳墓在孝義村西總督吳邦慶誌

奉直大夫翰林院庶吉士祁墀墓在孝義村西

附錄龍志

厚葬始于齊管仲嘗有棺槨過度戮其尸之令至宋華元侈葬其君益開後世僭靡之習迨秦始皇葬驪山淫濫無度而牧羊燔槨卒不保其終漢世不鑑其失三輔之亂諸陵發掘惟霸陵以薄葬得完足爲千古之戒邑俗以厚葬爲賢富者恆納金玉於壙諸棺槨纍纍啟護門則應手可攫故時有破塚之禍昔楚昭王呂不韋殉以詩書漢時猶議發其塚况錦繡珠玉足隱啟盜心者耶嗚呼誠如樊宏之教薄斂范丹之令速封亦何至毀冠

服殘筋骸而生孝子仁人之痛哉

漏澤園之設起於蔡京不仁之人而追先王掩骼埋胔之政所謂不能三年之喪而緦小功之察也有明及

國朝皆循之不因人而廢其法邑之漏澤園在東關昔已荒矣嬰兒塔二在北郭知縣單寶書營之米山藏兒塔三焦河村南北郊嬰兒塚各一而邑俗之傲尤在停喪考魏晉之制祖父未葬者不聽服官而劉隗上言有犯君子廢小人戮宋孫覺知福州元于文知婺源猶舉其政裁制之

國朝律曰經年暴露不葬者杖八十餘爲禁曰毋厚葬毋

拘陰陽毋僭用墜冬竟而畢封露棺累葉者罪其長思
以次除之庶亦反古之漸乎

風俗 物產

俗習相沿難與深辨要在爲民上者漸次革除使之不
及覺耳邑舊稱勤儉近漸奢靡前令龍宰高平時深得
鄭州水深火烈遺意然求治太急故孰殺孰嗣歌參半
焉至其申禁令課農桑節用愛人使風俗丕變民物滋
豐則至今猶嘖嘖在人口也緣續舊志特爲表揚旁及
物產用以告有教養之責者

風俗

邑嫁娶以新婦于歸未便入厨外家代爲翁姑送飯意甚
美而費特甚知縣龍汝霖禁止之

上元爲燈會鄉婦治遊至城必入署謁命婦賜以花果三
日乃止知縣龍汝霖禁之

春初演唱秧歌每至耕耘收穫時猶不止知縣龍汝霖嚴
禁之

董宰廟馬仙姑封始於元後人假以療病漁利遂至狂惑
特甚知縣龍汝霖痛懲之以檄錮仙姑寺而止其祈禱
歲旱禱雨曰捉旱水禮甚不經康熙時知縣梅建革之未
殄同治時知縣龍汝霖禁絕之

物產

高平物產多他邑所恆有地性寒舊時種麥者少近則益數倍焉

鐵冶爐頗有利然鐵渣堆積如山塞河壅道爐廢時其地遂終爲不毛而河沖餘渣復漫滅鄰田每至賦無所出舊時鳳臺陽城業此者多近則高平亦較增矣

錢之爲物縫紉必資邑惟西南與鳳臺接壤處多業此者近歲被後工人凋敝生計衰薄較昔僅十之一二云

邑內產桑婦女采以飼蠶四十餘口卽成繭抽絲得利可濟困

平縣志卷之四

公署 譙樓

漢何並守潁川妻子不至公署豈非以其地爲進思盡忠退思補過之所而非徒以示尊嚴乎然使視公署若傳舍任其傾毀則又非良令所忍爲縣署值城北屬解倉獄俱相近自宋縣令楊咸弼訖

國朝知縣傅德宜相繼營繕修治舊志已詳嗣後嘉慶年知縣王元樞咸豐年知縣梁大鵬袁繩武同治年知縣單寶書卽其舊葺之而政事之暇卽一營造間亦不忘與民同憂樂意則惟前令龍爲得之續志公署兼及麗

謹備載碑記以著遺愛

縣署

署內後樂園同治五年知縣龍汝霖修有記記曰余治泮之明年政事稍暇南迎板輿苦暑東小園荒穢不治無以自娛以娛吾親也爰於園之西北新闢三楹曰延暉閣將爲吾兩老人頤養之所東曰對床聽雨軒則溥霖湛霖兩弟于游遊憇延暉閣之南有齋曰夔勤爲課子室兒子綬壽母以童年而嬉戲也復南爲觀稼臺東瞻平疇省春作秋刈之勞朝餐暮食有餘愧焉迺南曰吟高狹小不能三人處余心曠自若不復知此生爲羲皇

爲塵世也再南爲寄巢人生如寄豈獨官舍如傳舍哉寄巢之北爲定香池時當暑雨清風荷柄亭亭如蓋與余友人觴酌其上必屢醉乃止復北則翼然中峙曰聽松亭松枝蟠蚪濤聲沸耳聽訟之暇坐臥以之俯念陶令徑松未必能或過也迤北窟室曰藏春塢入之則夏涼而冬溫與吾民穴居土風將毋同極東復新闢一室爲懷湘舫風晨雨夕時與孺人弱女坐語移時恍置身瀟湘間且以志余雖久官并土未嘗一日忘歸耕湘上也夙無宦情聊藉更隱進則勤勤教養與小民同其憂退則願侍吾親與諸骨肉友朋同其樂因取范希文語

顏其園曰後樂云

譙樓

邑譙樓初燬於火繼新之復圯同治五年知縣龍汝霖重修置鼓磬有碑碑曰署前譙樓自康熙朝田生白公修後迄今二百餘年雨剝霜毀塵泥滲漉其橫檻高薨剖側廂廡勢幾圯矣余視事既有年修舉廢墜獨力捐官俸以復其舊土木工役不以官值不忍累吾民攤派之苦與夫發召之勞也譙樓之設伐鼓下漏防奸宄而節昏昕由來舊矣自狂寇竊發兵燹幾遍天下狐鳴小醜隳成燎原小民狎於承平未諳古人守助之義桴鼓一

鳴輒相顧失色內亂外訂陷城唇邑相踵接豈運會之適然與抑詰奸禁暴防亂未萌之法不習於素與夫大盜之興恒始於小盜涓涓勿壅終成江海是樓也鈴櫓相警先靖盜源合周禮掌夜之遺制裨于邑額不重哉始役于同治五年二月歲功于六月費青錢五百餘貫命邑紳申國英縱道淵郭廷弼吳清林董其役監修者則教諭黃君維墀訓導曹君琳城守外委貞君蘭典史李君方華也

附旌善申明亭

旌善亭在譙樓東北今圯

申明亭二在譙樓西北者圯在馬村鎮者今尚存

壇廟 寺觀 附

築上曰壇祀神於廟典禮基壘而狐叢妖祠隨在皆有作俑自秦雍作鄜時並祠陳寶始因之轉相推衍遂罔識其不經矣舊志所載不無淫祀其尤奇者爲鳳翅山之張儀廟儀詐僞小人足不履高平何以祀諸此然志僅列其名亦非以爲典要也招提伽藍雖無功德於民而不識異端焉知正學遺則補之以資博覽

壇廟

社厲壇舊志云在鄉鎮廢今考下大村四壇俱存村北曰

天壇村西北曰地壇村東河口河壇村東曰孤壇

三皇廟在馬村

神農廟四一羊頭山爲高廟一換馬嶺爲上廟一下太村爲中廟一東關爲下廟

倉頡廟二一朗公山一永祿北

湯王廟三一城南一唐安一強營村村廟古柏最奇特

關帝廟在縣者三一衙左一儒林坊一西關在鄉者三一

團池一米山鎮一北蘇莊

獄神祠在獄前

倉神祠在長平廩西北

玉皇觀在河西西里

玉皇廟六一在米口鎮一在龐村一在王莊一在周纂鎮
一在新莊一在馬村之蟠龍寨廟前有畫卦臺

秦口寺在龍尾里

西嶽廟在米山

蚩蚩廟縣東十里旱蝗則祭焉米彘尊蚩蚩廟碑云主民
齊事近乎古之田祖至蚩蚩害稼之物陸機以爲螟之
屬神以是名詹葛氏桐氏之命其官云

龍王廟三一古岡一白華山一宰李村村廟碑曰明萬歷
言以旱故掘池得鐵牌一卜曰五日當雨已而果然同

治六年知縣龍汝霖祈雨謁諸神土人曰自道光咸豐
年兩洞鐵牌已不見

濟瀆廟四一在建甯鎮一在骷髏村一在團池一在陳堰
教澤寺在東宅里

五龍廟二一在孝義里一在王河里

海神廟在東宅旁有海泉池

孫真人廟一在米山鎮一在紫峰

真澤宮二一米山一四明山碑云神爲唐山竇二女事繼

母孝而仙至宋捍患飯軍錫曰沖惠沖淑今禱雨輒應
節烈祠道光初建於官廨西南旋圯今爲土所沒其巔枯

木存焉知縣李貞木改建於文廟西故南書院址也

附寺觀

呂祖洞

咽喉廟 俱在縣治

鐵佛寺

地藏菴

松泉寺

白馬寺 俱在縣東

元都觀 在縣西

仙師廟

覺圓觀 俱在縣南

六如寺

仙公廟 俱在縣北

續高平縣志卷之五

學校

學校興自有虞氏而極盛於

國朝徵特學宮之設直省州縣莫不並建即書院社學亦隨在俱有明道遺風豈非作人雅化徧海隅而罔不漸被歟邑學宮在縣治東南自元至正八年訖

國朝乾隆三十年重建重修補修不一而足至道光十八年知縣李貞木紳士陳彭齡重新繕修廟貌始極宏整而書院社學亦相繼振興焉連類以及用光庠序舊所詳者今不復贅

學宮

東廡增祀先賢先儒

公孫儒 許慎 陸贄 李綱 謝良佐

毛亨 文天祥 方孝孺 呂柟 劉宗周

西廡增祀先賢先儒

公明儀 韓琦 袁燮 陸秀夫 曹端

陸世儀 呂坤 黃道周 孫奇逢 湯斌

鄉賢祠增祀

李盤峰

忠義孝弟祠增祀

張國綱 賈五會 申良 趙軼 以上忠烈

張宗古 張完 王燧 楊汝節 徐行

張養心 畢一棟 以上孝子 李克紀 趙倫

王珂 張澤 楊可楹 焦一春 李濬葉

楊文盛 邢堯民 崔堂 石有璞 張崇恩

畢應科 楊朝光 田學華 緜元珍 張克正

田應運 田大良 裴養志 王命圭 蘇天福 以上義

行

十八年重新繕修時凡用民財貳萬叁千肆百肆拾餘
緡四年而工始竣贏錢叁千伍百緡以壹千緡劑宗程

書院費壹千伍百緡助鄉會試貢士車馬費壹千緡爲
文廟歲修費均貸之當商歲以什一爲息

文廟田舊叁拾八畝在建寧者貳拾畝在府底村者拾
捌畝後增貳拾七畝在東關外者柒畝在老龍灣者貳
拾畝視歲之豐歉以爲賦其儲之當商者爲銀叁百兩
歲取其息以資修葺皆舊時邑南村議敘衛千總袁九
錫獨蠲知縣毛振剛亦蠲貳百金歲凡收息銀陸拾五
兩四錢貳分

學田舊壹頃拾貳畝七分有奇同治元年復增路家村
田拾五畝

書院

高平縣書院屢廢屢興今書院曰宗程在文廟西道光四
年知縣李聯家建齋銀壹千貳百兩有奇紳輸三之一
餘則十年分攤之官同治五年知縣龍汝霖重修有碑
碑曰昔程明道先生爲晉城令建鄉校七十餘區元大
定中郭公質因時脩舉後以兵燹廢明弘治間楊公子
器力復之在縣治者四在村者三十六治之西偏曰正
蒙社學者其一也嘉靖間孫承應奎易名曰晉城書院
爲邑書院之始訖今訪其故墟而文獻澌滅未有能指
其遺迹者矣

國初康熙朝梅公建以晉城書院之頽廢也擇於學宮西
創爲宗程書院旋亦就圯乾隆初邑紳陳潤太等更建
一區居宗程書院南陳公封爵請於巡撫命名崇正後
所稱南書院也四十餘年傳公德直以其簡陋復葺宗
程書院易額曰崇正南書院與兩地而俱存未幾毛公
改崇正書院爲行臺南書院遂荒而不治道光初李公
瑞家訟仍故基而新之善其心良初構等爰於迤西別
購民舍得二十八楹齋室講舍庖湑之屬畢其復以宗
程書各名焉而南書院後創爲節孝祠此吾泮書院廢
興移徙之所由也李公距今不過是院復傾敗荒蕪不

可若余云之斯世課士之暇怒焉心傷與邑紳申國英
繼道淵郭廷弼吳清林謀計其需直青錢叁百緡而縮
遂捐俸獨任誡曰鳩工命諸紳董其役不糜民財不假
官工兩月而卒事余爲此役非敢抗希先哲亦願習於
斯者念命名之非偶敦學篤行毋汨於聲利詞章之習
蔚爲儒宗庶不負修舉廢墜之心後之官斯土者尤無
忘鼓舞振興之云爾

邑宗程書院自乾隆時陳潤太等輸銀叁仟貳佰伍拾兩
於當商歲以一五爲之息始定內課生童十人月廩銀
九錢外課十六人月廩銀四錢道光時文廟工竣贏錢

壹仟緡復贖諸當商歲論息以一分增內課生三人月廩錢壹千貳百內課童三人月廩錢六百外課童二人月廩錢四百同治四年知縣龍汝霖蠲俸銀伍佰伍拾兩於當商歲仍以一五爲息增生童內課五人外課五人月廩如初月三日爲官課縣尹主之十三廿三爲館課院長主之課凡獎銀壹兩九錢受以高下爲差月廩歲粟銀叁兩五錢心銀壹兩貳錢而院長之脩金伯貳拾兩學舍陸拾兩門役膳夫之稍食均取給焉

郡書院口門首以銀柒佰伍拾兩貸諸邑之當商息則月取十之一四三月齋諸郡並輸不敷銀拾壹兩五錢省書院曰晉陽始以銀伍百兩貸諸邑之當商月收息十之一後益叁百兩歲收息十之一冬夏齋諸省更輸膏火銀貳拾八兩五錢貳分九釐

社學

邑義學舊僅存節義坊一區同治四年知縣龍汝霖逐淫僧而移建義學四曰新莊曰圍城曰小川曰韓莊同治六年又督諸社力建之一時復增立義學百十有七區

續高平縣志卷之六

賦役 運留

高平土瘠民貧舍耕則無可得食磽确不毛闢爲糞壤者幾無隙地自歲大祲田荒不治近雖五風十雨咸慶豐穰而餓卒流亡之餘田多人少耕種尤艱加以穀賤傷農田利衰薄耕則力有不給不耕則賦無所出多田之家視爲苦海矣丁糧胥困則運留或緝續志賦役守土者其何以寓撫字於催科也

田賦

明季民屯田七千五百四十頃八十九畝二分有奇房基

地一百二十頃六十六畝五分有奇不徵糧徵糧地七千四百二十頃二十二畝七分有奇

國初民田上地一千二百九十一頃八十三畝一分三釐中地五千五百八十八頃三十四畝七分下地三百九十九頃七十五畝六分五釐下地八十頃四十二畝四分三釐屯田四十五頃三畝八分八釐有奇順治年增一十二頃七十四畝康熙年增二頃八畝八分三釐有奇雍正年增十一頃七十畝二釐有奇乾隆年增四十四畝五分一釐民屯田凡七千四百三十二頃三十七畝二分有奇視明李增十二頃十四畝五分有奇

同治年存民屯田七千四百三十二頃十五畝七分有奇視乾隆年少二十一畝五分有奇

國朝取民之制上地畝徵糧七升中地畝徵糧四升六合有奇下地畝徵糧二升下地畝徵糧一升石凡准銀九錢六分一釐有奇

民田七千三百八十七頃三十三畝三分有奇折徵銀三萬四千四百三十五兩八錢有奇

合地畝九厘銀六千七百四十三兩六錢二分有奇
驛站銀二千七百八兩二錢六分有奇

絲絹銀一百七十一兩六錢

匠價銀三百九十兩六錢

歲凡徵銀四萬四千三百二十八兩四錢一分四釐有奇

屯田畝徵糧三升三合有奇石准銀八錢凡田四十五頃三畝八分有奇歲徵銀一百二十一兩四錢六分有奇

光緒六年除報墾荒地實存民田七千三百七十四頃十三畝八分有奇

除豁免外實在地畝折徵銀合地畝九厘銀四萬一千九十九兩二錢一分有奇

驛站銀如故

絲絹銀一百七十一兩二錢八分七厘有奇

匠價銀三百八十九兩八錢九分三厘

屯田如故

歲凡徵銀四萬四千二百四十七兩一錢八分七厘有奇

丁徭

邑戶舊志稱

國初中上丁一中中丁二中下丁三下上丁一百十三下中丁二萬二千九百有二下下丁一萬五千九百有七

凡三萬八千九百二十八

順治十二年增二千五百二十八十四年增一千七百四十四

康熙五十二年定爲制續生人丁永不加賦五年惟一編審而停歲造

乾隆五年復停編審以保甲丁額上諸部

嘉慶十二年戶凡四萬九千一百九十男女口凡二十三萬八千三百八十八

同治五年戶凡五萬六千一百八十男女口凡二十五萬七千三百八十五

國朝丁制仿諸明有丁無糧者爲下戶有丁有糧者爲中戶糧多丁少丁糧俱多者爲上戶中上丁一徵銀一兩四錢二分一厘有奇中中丁一徵銀一兩二錢三分六厘有奇中下丁一徵銀九錢六厘有奇下上丁一徵銀八錢八厘有奇下中丁一徵銀四錢四厘有奇下下丁一徵銀一錢六分八厘有奇丁凡四萬三千二百歲徵均徭并顏料加增銀一萬三千一百三十四兩二錢七分有奇

康熙年增徭銀二錢二分八厘有奇

乾隆初仿唐兩稅明一條鞭法丁併諸地曰地丁合徵

銀五萬七千五百八十四兩三錢七分四厘閏年加徵
地丁銀九十四兩七錢五分有奇

屯田別徵丁銀三十五兩八錢九分有奇

光緒六年戶凡四萬一千七百一十一男女口凡十八
萬二千一百九十五

丁如故除豁免銀外實在歲徵均徭并顏料加增銀一
萬三千一百一十兩四錢七分七厘有奇

閏月加徵并屯田別徵丁銀如故

地丁合徵銀五萬七千四百八十兩六分有奇

運留

原額起運民田地丁銀五萬一千六百八十九兩五錢三
分二厘耗羨銀六千四百十五兩五錢一分三厘匠價
銀三百九十兩六錢

起運屯田地丁銀一百五十七兩三錢五分二厘耗羨
銀二十兩四錢五分六厘

起運書額存留驛站錢糧下剩等銀三千六百二十九
兩一錢七分九厘

實存留地丁銀二千一百八兩四錢一分一厘

復輸顏料銀十四兩六錢一厘三成銀三百二十四兩
二錢六分六厘減平銀九十八兩六錢九分五厘

實留支地丁銀一千六百七十兩八錢四分九厘

壇廟祭祀銀九十五兩五分三厘

春牛銀五錢二分五厘

行香講書銀三兩九錢二分

知縣俸薪銀三十六兩一錢七分七厘

門子二名稍食銀七兩八錢九分六厘

皂隸十六名銀五十一兩三錢二分四厘

馬快手八名銀三十一兩五錢八分四厘

更夫五名銀十一兩七錢四分

伴作三名銀十一兩八錢四分四厘

禁卒八名銀二十一兩五錢八分四釐

輿夫四名銀十五兩七錢九分二釐

傘扇夫三名銀十一兩八錢四分四釐

庫子四名銀十五兩七錢九分二厘

斗級四名銀十五兩七錢九分二厘

民壯三十名銀一百四十二兩一錢二分八厘

捕役八名銀三十一兩五錢八分四厘

典史俸薪銀二十兩七錢四分

門子一名銀三兩九錢四分八厘

皂隸四名銀十五兩七錢九分二厘

馬夫一名銀三兩九錢四分八厘

教諭俸薪銀二十六兩三錢二分

訓導俸薪銀二十六兩三錢二分

廩生餘銀四十二兩一錢一分二厘

齋夫三名銀十一兩八錢四分四厘

門斗三名銀十一兩八錢四分四厘

哨夫二名銀八兩七錢七分三厘

歲貢旗匾銀三兩九錢四分八厘

磨鍊書手銀六兩五錢八分

長平喬村兩驛馬夫工料銀九百三十四兩九分七厘

裁減舖司兵捐馬夫工料銀二十六兩五分六釐

孤貧冬衣銀五兩九錢四分七釐

存留耗羨銀一千五十兩

復應輸一成銀八十五兩

酌減繁費銀一百兩此欸奉文免解

三成銀二百八十九兩五錢

減平銀四十兩五錢三分

實留支耗羨銀六百三十四兩九錢七分

知縣養廉銀五百三兩四錢六分六釐

繁費銀九十二兩一錢二分

典史養廉銀三十九兩三錢八分四釐

光緒六年除豁免外實在起運民田地丁銀五萬一千五百八十五兩二錢二分一毫耗羨銀六千四百一兩九錢五分三釐匠價銀三百八十九兩八錢九分三釐餘如故

存留耗羨內三成銀免扣減平銀加扣復應輸繁費三成銀四十二兩減平銀五十五兩三錢八分

實留支耗羨銀八百六十七兩六錢二分

知縣養廉銀七百一十九兩一錢

典史養廉銀五十六兩四錢

餘如故

稅課 鹽法

權酒酤租六畜始於漢券田宅始於晉牙例始於元雜課之征其來已久

國朝取民有制正供而外兼思重本抑末此稅課所爲設也自歲大禱商賈疲弊賦歛不給支絀日甚昔之農末相資者今轉爲農末俱困矣續志稅課及鹽法以見休養生息當隱寓於權算中焉

稅課

舊高平酒課銀九十七兩八錢閏月加徵銀捌兩一錢五

分

商稅兵餉銀五百九十一兩六錢八分

房田稅契銀五十六兩八錢六分五釐盈餘銀約五百四十一兩有奇

溢額商稅銀二百七十七兩六錢四分六釐盈餘銀約四百二十三兩有奇閏月加徵銀六十六兩五錢四分一釐

畜稅銀一百八十八兩五錢四分九釐盈餘銀約二百七十四兩有奇閏月加徵銀一十四兩八錢七分一釐當稅輸銀五兩舊徵銀三百五兩今徵銀二百一十五

兩

鹽牙稅銀二兩五分

牙稅銀三百三十一兩

道光年繳其帖之廢者存帖四百三十八徵銀三百七兩八錢

同治五年繳一百九十三帖於部六年復繳帖二十有一實存帖二百二十有四徵銀一百六十六兩八錢光緒五年六年繳帖五十有三實存帖一百七十有一徵銀一百二十八兩

鹽法

鹽法

九

新唐書卷之六
卷之六
邑故食解鹽凡銷七十七名九十四引計名徵大課銀五十兩雜課銀五十五兩公費銀十五兩羨餘銀八兩餉需銀六兩

咸豐十年加費銀四十兩

鹽一名重一十二車車二十袋袋一百二十五觔計二袋爲一引一百二十引爲一名名凡二百四十袋準三萬觔值冬名益以五百觔自運城車運二百六十里至翼城馱運四百二十里至高平縣鸞鹽觔準錢三十二

光緒六年觔準錢二十八

貢篚

禹別九州任土作貢凡物可持奉者曰貢盛於篚而進曰篚不常而賜命乃貢曰錫貢周有九貢皆不貴異物有常制也漢唐及宋開國之初恒詔蠲免郡國非時貢獻惟隋煬帝乃以禮餉豐薄爲黜陟循至唐德宗之日進宋徽宗之應奉明中葉之孝敬則征求無已官司倚法以削民黎民重困

國朝貢有常品絕無苛求而時勢變遷每形支絀近遭饑饉杼柚逾空輸費之煩縣尹恒遷延以避之續志貢篚聊以告病

高平黃蠟舊貢三觔十三兩一錢二分有奇觔准銀一錢五分脚價銀四分八厘故於地丁留支雍正六年停乾隆二十九年復貢旋止之令太原府屬獨采價輸司

錫舊貢二百八十四觔十一兩六錢四厘有奇增七十五觔七兩五分五厘觔准價銀九分亦於地丁留支銀三十六兩九錢五分三厘雍正十一年改貢好鐵錫一鐵二貢五百六十九觔七兩二錢九厘有奇觔准價銀四分五厘脚價銀二厘五毫觔分錫價銀二分二厘五毫充之不足者二分五厘請諸司錫價所餘輸之部乾隆三年並停好鐵貢二十九年仍貢錫三十四年復止價輸司縣令貼飯食銀八百二十兩七錢同輸司

平鐵故貢自江南改自雍正三年始貢二千一百觔九年增三千六十八觔初輸平定繼潞安十年始自澤州勛准價銀二分脚價銀二厘五毫取諸司不足者五分七厘五毫縣尹貼十三年停其貢價歸司貼費銀一百八十兩亦同輸今減平輸司平鐵輸銀二百六十九兩二錢好鐵輸銀七百七十一兩四錢五分八厘輸費復增

呈文紙舊貢一千一百七十張雍正年增貢二千三百四十張乾隆初停其增貢三十四年更增貢三千五百

一十張張准價銀三厘脚價銀一毫二絲於地可留支
不足者縣尹貼給

絲貢有農桑絹素絹潞綢農桑絹歲貢黃絲六十五筋
六兩增貢四筋十五兩五錢彙府解司太原府判司其
織絲筋准價銀七錢府領之司給之縣自絲缺價昂縣
尹私貼之素絹年貢六十二疋絲凡一百二十四筋七
兩九錢二分閏月增絲三筋十三兩八分筋准價銀五
錢九分機匠廩食銀五錢三分不足者取補於縣尹復
代鳳臺織絹十二疋陽城四十一疋陵川四十一疋沁
水二十九疋絲筋廩食由府撥取各縣往往逾時不奉

高平獨干吏議貢費亦視他邑爲多

明季高平長治潞州衛綢機一萬三千餘軸十年三貢
凡貢四千九百七十疋疋准價銀四兩九錢五分有奇
長治貢十之六分二高平貢三分八順治四年定爲歲
貢三千疋時機戶逃亡潞州衛無一人長治高平綢機
亦僅存一千八百戶機戶不能支訴諸部部允疋益廩
食銀五兩有奇六年姜瓖亂杼柚毀工匠幾無了遺劉
按臺嗣美疏減歲貢一千五百二十疋四丈八尺疋加
廩食銀三兩十五年復減貢一千一百七十九疋二丈
高平歲貢一百十四疋疋長六十八尺濶二尺四寸重

六十一兩康熙六年復減大綢百疋改貢小綢四百疋疋長六托濶一尺七寸乾隆時定爲年貢大綢三千八疋疋長八十尺寬二尺四寸重四觔小綢一百十四疋疋長三十尺寬一尺七寸重一觔大綢疋准價銀十二兩五錢小綢准價銀二兩七錢五分貢之分數與昔同嘉慶十五年高平始減定貢大綢十一疋小綢二十疋機工歲領價於司縣尹增益其廩食貢費仍煩多外則伊犁綢輸必百疋疋長二丈一尺寬二尺今止內務府綢王府綢貢無定期疋無定式需則貢否則已貢必竭千金

